

Sp.

88. Fyrirspurnir.

[61. mál]

I. Til ríkisstjórnarinnar varðandi launakjör alþingismanna.

Frá Steingrími Aðalsteinssyni.

- a. Hvað líður athugun hv. ríkisstjórnar á frv. því um launakjör alþingismanna, er samið var af millipinganefnd, sem til þess var kjörin á Alþingi 15. des. 1943, og skilað til þáverandi hv. ríkisstjórnar hinn 5. október 1945?
- b. Má vænta þess, að hv. ríkisstjórn leggi frumvarp um þetta efni fyrir Alþingi það, sem nú situr?

II. Til fjármálaráðherra um byggingu lýsisherzluverksmiðju.

Frá Áka Jakobssyni.

1. Hvaða einstaklingar eru það, sem fjármálaráðherra á við í ummælum við 1. umr. fjárlaganna, að séu að undirbúa byggingu lýsisherzluverksmiðju?
2. Hvenær hafa þessir einstaklingar fengið gjaldeyris- og innflutningsleyfi fyrir vélum til slíkrar verksmiðju?
3. Hvenær hafa þeir fengið fjárfestingarleyfi fyrir slíkri verksmiðju?
4. Ætlar ríkisstjórnin að byggja lýsisherzluverksmiðju eða hefur hún ákveðið að hætta við byggingu lýsisherzluverksmiðju þeirrar, sem Alþingi og ríkisstjórn ákváðu að reisa á Siglufirði?
5. Hverjar eru ráðstafanir ríkisstjórnarinnar viðvíkjandi vélum þeim, er þegar höfðu verið keyptar til lýsisherzluverksmiðjanna?

III. Til atvinnumálaráðherra varðandi fyrirhugaða sementsverksmiðju.

Frá Gísla Jónssyni.

1. Hvað líður undirbúningi undir byggingu sementsverksmiðju ríkisins?
2. Hefur nokkur frekari rannsókn verið látin fara fram á sementshráefnum landsins, og ef svo er, hver er árangur þeirra rannsókna?
3. Hyggur ríkisstjórnin að láta fara fram frekari rannsókn áður en staðsetning verksmiðjunnar er endanlega ákveðin, eða hefur þegar verið endanlega ákveðið, hvar verksmiðjan verður reist?
4. Hafa nokkrar frekari athuganir verið látnar fara fram á byggingar- og rekstrarkostnaði verksmiðjunnar, og ef svo er, hvað hafa þær athuganir leitt í ljós?

IV. Til flugmálaráðherra um njósnið yfir flugvöllum ríkisins.

Frá Jónasi Jónssyni.

1. Hve oft hafa menn orðið þess varir á yfirstandandi ári, að erlendar flugvélar virtust starfa að njósnum yfir flugvöllum ríkisins?
2. Hvernig hindra þjóðir, sem ráða yfir vopnuðu liði, þess konar njósna-
starfsemi?
3. Hvað ætlar flugmálastjórnin að gera til að hindra að þessari njósna-
starfsemi verði haldið áfram hér á landi?

V. Til landbúnaðarráðherra varðandi kynbótastöðina á Úlfarsá.

Frá Jónasi Jónssyni.

1. Hvað hefur ríkissjóður lagt fram mikið fé í jurtakynbótastöðina á Úlfarsá?
 - a. Hvert var kaupverðið?
 - b. Hve mikið fé hefur verið lagt í húsa- og jarðabætur á staðnum?
 - c. Hvað hefur ríkið lagt fram í vinnulaunum við starfræksluna?
 - d. Hve miklar tekjur eða tap hefur orðið á stöðinni?
2. Hversu verður séð fyrir starfsaðstöðu þeirrar kynbótastarfsemi, sem Áskell Löve hefur nú með höndum á Úlfarsá, ef ríkið leggur jörðina til væntanlegri stofnun fyrir áfengissjúklinga?

VI. Til ríkisstjórnarinnar um gjaldeyrisból.

Frá Skúla Guðmundssyni og Gylfa Þ. Gíslasyni.

1. Hefur ríkisstjórnin reynt að fá upplýsingar um gjaldeyrisbóla íslenskra aðila í öðrum löndum, og ef svo er, hvern árangur hafa þær eftirgrennslanir borið?
2. Hefur verið rannsakað hverju sinni, hvort þeir íslensku aðilar, sem hafa óskað eftir innflutningsleyfum fyrir vörur án þess að þurfa gjaldeyrisleyfi vegna greiðslu á andvirði þeirra, hafi aflað sér gjaldeyris til greiðslu á vörum á löglegan hátt? Og er rannsakað hverju sinni, hvort þeir íslenskir menn, sem ferðast til útlanda, hafi aflað sér gjaldeyris til greiðslu ferðakostnaðar og dvalarkostnaðar erlendis með löglegum hætti?
3. Hefur þess verið krafizt, að allir íslenskir aðilar, sem fá umboðslaun frá erlendum fyrirtækjum, skiluðu þeim gjaldeyri til íslenskra banka, og hve miklu af slíkum umboðslaunatekjum í erlendum gjaldeyri var skilað til bankanna á árunum 1945—1947?